

四庫全書

子部

欽定四庫全書

萬姓統譜卷三

明 凌迪知 撰

上平聲

三江

江汝南嬴姓顓頊玄孫伯益之後爵封於江後爲楚所滅以國爲氏望出濟陽

周江乙說安陵君曰以財交者財盡而交絕以色交者華落而交渝是以嬖女不敝席寵臣不敝軒

江芊此芊氏之適江者

漢江公瑕丘人授詩書春秋於申公以詩授韋賢以春秋授榮廣子孫皆爲博士武帝尊公羊春秋詔

太子受之太子私問
穀梁於江公而善之

江革

臨淄人少失父獨與母居遭亂負母逃難數遇
賊輒求哀言有老母辭氣愿款有足感動人者
賊不忍犯卒與母歸鄉人稱曰孝子母
終廬墓不除服後舉孝廉遷諫議大夫

江克

字次倩趙國邯鄲人為入魁岸容貌
甚壯武帝異之曰燕趙固多奇士

晉
江灌

陳留圉人為吳興太守性方正蔑視權貴召拜
侍中大司馬桓溫欲中傷之誣以在郡時公事
免

江績

字仲元有志氣除祕書郎以父與謝氏不穆故
謝安之世辟召無所從論者多之安薨始為會
稽太守王道子驃騎主簿多所規諫歷詔議叅
軍出為南郡相會荊州刺史殷仲堪舉兵以應

王恭仲堪要績與南蠻校尉殷顗同行不從顗慮績及禍乃於仲堪坐和解之績曰大丈夫何懼以死相脇江仲元行年六十但未知獲死所耳一座皆為之懼仲堪憚其堅正以楊佺期代之朝廷聞而徵績為御史中丞奏劾無所屈抗及卒朝野悼之

江惇

陳留國人也帝時却鑒檄為兗州治中孝友淳粹高節邁俗著通道崇儉論世咸稱之

江統

字應元陳留國人靜默有遠志累官散騎常侍嘗著徙戎論長子彰仕終國子祭酒次子惇讀書有文名累徵不就彰子歆歆子恒夷並貴顯

江道

字道載陳留國人避亂居江淮眺玩經史殷浩辟為叅軍後以功拜侍中子蔚遷至吳興太守弟灌累官尚書中護將軍從子績御史中丞

南江秉之

字玄叔濟陽考城人少孤友其弟妹甚篤仕宋歷烏程建康山陰令皆有政績累遷新安

臨海太守所至以簡約見稱在郡嘗作一書案去官留以付庫

江康之

考城人淹之父文雅有才思仕晉為南沙令

江淹

字文通考城人少孤采薪以養母仕齊累官御史中丞彈劾不避貴近風采肅然後封醴陵侯

所著有詩賦少以文章顯

江泌

字士清考城人少貧以斫屨為業母蚤亡泌以生缺供養為歎遇鮭不忍食食菜不食其心惟

食老葉而已母墓忽為野火所燒泌哭三日淚盡繼以血後仕齊為中郎參軍世謂之孝泌

江悅之

考城人統七世孫好讀兵書有將畧仕宋歷諸王將軍入南齊進冠軍將軍子文達仕至

咸陽

太守

江文遙

悅之子也少有大度輕財好士士多歸之魏宣武帝令襲父風拜咸陽太守勤於應接於

是知人所疾苦大盜奸猾無不悉郡中震肅奸盜止息

江革

字休映考城人六歲能文事母以孝稱雖嚴寒嗜學不倦仕南齊累官度支尚書以直道忤時

謝病歸以詩酒自娛

江夢孫

字修之九江人諸生子弟不遠數郡而學者百人春誦夏弦以時講聞鼓篋函丈庠序嘗

盈後辭官還家集門生弟子說釋經義如故時號為搢紳先生

江德藻

革之子性至孝與異產昆弟居恩惠甚篤善屬文仕梁為尚書比部郎

江夷

字遠考城人少自藻勵為後進之美仕宋歷吏部尚書後遷為右僕射

江湛

字徽深考城人夷子湛以孝聞為太子中書舍人義康之盛人競求昵惟湛自疎出為武陵內史孫敷為祕書監敷子禧雅有風格終光祿大夫禧子紇有孝行紇子總篤學有文仕陳累官

左戶部尚書

江紇

字舍潔考城人性至孝年十三父患眼紇侍疾夜夢一僧云眼患者飲慧眼水必差及覺因訪之草堂壽智者法師曰無量壽云慧眼見真能度彼岸紇乃捨里舍為寺及就創造因泄故井其水清冽取以洗眼煮藥遂瘥時人謂之孝感

江智深

夷之弟子愛好文雅辭采清贍遷尚書吏部郎

江數

字叔文好文詞有風格永明七年領驍騎將軍歷吳郡太守謚敬子

江拱

梁人與蕭文琰邱令偕等並以文稱竟陵王夜集賦詩約四韻刻炬而成又共擊鉢立限響絕

而成

江子一

字元亮悅之族子仕梁為侍郎啟求觀書秘閣武帝許之有敕直華林省侯景反與二弟

尚書右丞子四子五同此難

五代江文蔚

字君章建陽人南唐時為御史中丞生貶江州奉其母以行怡然不以貶謫為意嘗作詩

有曰屈原若遇高堂在終不懷沙弔汨羅

江為

建陽人嘗遊廬山白鹿洞師事陳貺學詩居二十年遂以詩著名為南唐主所喜其詩有風人

之體為一時所稱

江矩

仕周為廬江守以廉稱召還以船輕皆載土

江夢孫

南唐天長縣令民有爭馬訟久不決夢孫令縱馬於郊馬奔入主家其訟遂決

宋江袞

宣和間為令有水利記以紀其績縣志舊云故老相傳袞掘地決獄政稱神明是時有賈人廬券以誣寺僧袞勘得其情人稱之

江少虞

字虞仲常山人政和進士調天台學官冠至守倅遁去少虞獨率弱卒堅守人有死志首

射殺渠魁賊遂潰去歷建饒吉三州守治狀皆第一所著宋朝類要詔藏史館有雜著經說奏

議百餘卷

江景房

字漢臣常山人初仕吳越為官屬唐末諸國私為重飲東越尤甚民皆困苦及宋平諸國

賦法皆仍其舊景房嘆曰民苦苛歛久矣使有司仍其籍民困無已時也吾寧以自任之遂沉

圖籍於河詣銀臺自劾所以失亡狀太宗怒謫沁水尉屏歸田里

江常

字少明晉江人崇寧進士仕給事中帥福州建州賊乘流趨迫州城常登陴呼其首諭以禍福

賊羅城下遁去靖康以後州卒驕橫謹趨牙門常蹤跡得其尤黠者付保五因事去之士始識

紀律尋奉

闕

薄榮利居父喪

廬墓卒有外制十卷文集二十卷

江贇

字叔圭崇安人初遊上庠與明之以學易並著名後隱居里中近臣薦其賢明不赴政和中

太史奏少微星見舉遺逸命下邑宰陳難謁其廬聘以殊禮復以詩勉其行三聘不起賜號少

徵先生所著通鑑節要行於世

江躋

字元壽常山人舉進士為殿中侍御史在朝論事以正心誠意為本紹興初率全臺攻丞相朱

勝非更五六疏忤旨一時俱罷後高宗思之賜手詔以司農卿召未及用卒贈銀青光祿大夫

江彥清

守珍州德祐初元兵至瀘守梅應春以城降彥清巷戰死之

江安止

知麗水縣為政明敏囹圄屢空案牘無積又練鄉兵以禦盜邑賴以寧去之日吏民泣送

於道

江休復

陳留人仕為藍山尉累遷刑部郎中修起居注為人外簡曠而內行甚飭其文章醇雅尤

善於詩書善隸書與人交久而彌篤著唐宜鑑春秋世論及其文集若干卷

江介

知進賢縣會詔蠲半租介白部使者程天昌自全戶三升以上悉蠲之貧民被其實惠

江溥

乾道間知臨江軍值歲歉講民荒政乞糶勸分及為糜粥以食饑者民賴以活豪民鍾氏武斷

鄉曲溥發其姦寔於法人稱快焉

江側

字度中建陽人性純一熙寧中學究出身嘗聚士友肄業邑之石壁山游定夫施景明葉祖洽

皆從之遊後為將作監簿與族子汝舟號二先生

江琦

字全叔建陽人宣和中第進士著春秋經解三十卷辨疑一篇語孟說各五卷

江默

字德功崇安人乾道中第進士歷安溪光澤尉皆有政聲後知建寧縣卒於官邑民像而祠之無不瞻仰默從朱文公游文公稱其無他嗜好一意訂書嘗考本朝典章為書名曰綱集凡三

十六卷上之又有易訓解四書訓詁六卷

江任

建陽人景德中登第有詩名以祕閣校理知秦州卒楊億稱之同縣江立熙寧初登第以文學

顯尤工於題詠人愛其詩

江滋

字益之崇安人第進士調來陽令時舍法行滋始至視學字顏獎即鼎新之作諭學詩七十韻

備述朝廷勉勵士子之意監司上其事特遷滋官繼知長社縣時蘇轍退居潁上杜門謝客惟滋每造得相容接且相與唱酬有潁州集官至朝議大夫

江灝

字良弼調上高尉高宗渡江以勤王功遷劔浦丞統義兵捕范汝為等寇改無錫令歷知柳象

二州廉名籍甚郡人畫像祀之高宗嘗記其名於屏

江埧

字叔文崇安人學於真德秀調知永平縣通判靖州以清白稱遷南平軍嘗條五事以奏皆可

為永利者改知開封埧貌肅氣和自幼至老惟以講學為事

江致虛

休寧人弟致一俱以鄉薦入太學靖康間凡六詣闕乞斬蔡京等六賊復李綱相位指陳

軍國大事尋中知兵科優等授承信郎高宗即位訪求致虛有旨特換文資與正錄力辭不就字夢良崇安人淳熙進士家貧好學嘗慕大魁

江史

木待問之名不遠千里而就正木曰吾易東矣

後就試果第一人

江公望

字民表睦州人舉進士崇寧初任司諫抗疏極論時政及宮禁事皆人所難言者坐廢終

身名節偉然始終不踰天下高之後贈諫議大夫

江仲明

台州人宣和寇亂載老母逃山澗中猝遇寇於東城之岡迫使就降仲明義不辱奮起罵

賊卒死之丞相呂頤浩嘗誅以文

江萬里

字子遠都昌人理宗時為賈似道參謀以峭直見忌度宗時拜右相嘗請益師往救襄樊

似道不應力求去歸鄉里元兵至萬里赴水死詔贈太師益國公諡文忠弟萬頃以南劍知州家居亦被執罵賊死

江點

字德興崇安人鄂州參軍常平庫失銀甚夥有劉福因貿易得銀一笏官司疑其盜籍其家點

為搜訪辦其冤人皆服點之明

江白

南城人父禹錫有節義高年不仕躬自教授真宗時獻東封詩十五篇有詔嘉美賜以粟帛歲

時遣使存問白景德初進士為鄞縣尉父卒罷還負土營葬廬於墓側

江杞

字堅老建陽人政和進士歷仕州縣民安其政為御史致仕里居十有五年講學著書不倦

江致堯

惠安人以特奏任法曹通經學工於詩與丘崇齊名所著有周禮解

元

江學庭

南城人仕至國子祭酒以文章事業推重當時後進仰之若山嶽然卒贈莒國公謚文正

明

江英

江津人洪武中由舉人授遂寧教諭學識過人累官浙江布政司叅政

江鐵

字志堅建安人永樂中登進士第選為庶吉士尋擢監察御史得風憲體累官廣東叅政

江淵

江津人宣德進士入內閣官至學士工部尚書

江浩

歙人舉鄉貢授江西建昌知縣以能著稱正統己巳閩寇鄧茂七侵掠縣境浩率兵控禦民賴

以安以功進府通判仍知縣事秩滿擢知府轉兩淮運使致仕廣昌民立祠祀之

江朝宗

四川人景泰進士翰林學士

江玘

浙江人景泰進士

江徵

字景吳南城人成化進士歷知建平寧海縣三縣所至廉靜有聲歷四川僉事

江璞

字伯溫貴溪人成化進士知南雄府才氣英邁創大中書院疏免稅糧士民思其德祀於景德祠

江瀾

字文瀾仁和人成化進士授編修歷官禮部尚書知自守畏清議子曉暉俱舉進士曉歷官工

部侍郎有父風暉以庶吉士授編修出為河南僉事少有文名孫圻舉進士歷提學僉事

江弘濟

字本深開化人成化進士授清豐知縣以清廉明恕得民之心陞御史持重有操不凌不

矜常云御史綱紀所係糾察在當人心論諫在識大體識者韙其言

江師古

字克永蒲圻人弘治進士授工部主事清江浦管閘時中貴往來作威凌轢師古不為屈

正德初逆瑾柄國即投疏歸性儉樸敝衣垢襪陋室匡牀獨脩然肆意

江汝璧

江西人正德進士歷官左庶子

江以達

貴溪人嘉靖中以提學副使廉介剛方不避權勢居楚數年未嘗立赫赫之威而列郡之

士翕然向方時值世宗南幸有司悉詣行在城中惟恃以達而已楚愍王賂以達奔承天迎駕以達堅執不從一夕詐偽市里人潛去守者不之覺以達亦不之察也得報以無及矣比還國

以他事誣奏以達繫械京逮獄廷杖落職楚人寃之

江東

朝城人嘉靖進士歷太子太保兵部尚書

江潮

貴溪人嘉靖進士提學廣東嘗歲考知霍韜必魁天下金山必連第復置山於二等責曰汝本

有才何杜撰呂申公格言以欺我後日事君不可如此後山以戶部主事兌糧江西果陷宸濠黨士林多神之

雙

天水宮音顓頊之後封於雙蒙城因以命氏

南雙士洛

魏梁州刺史

雙彌周

魏河州刺史平涼公子瑒

雙子符

唐瀛呂二
州刺史

雙泰貞

吳興人有幹力沈攸之起兵召之泰貞殺傷
數人不從攸之將母去泰貞自歸求母攸之

曰此孝
子也

宋雙漸

廬江人慶歷進
士博學能文

明雙鑑

祥符人永樂
中貴溪丞

雙瓚

宣化人宣
德舉人

雙華

沙河人正統
間莆田丞

雙桂

華陽人正
德舉人

雙應麟

華陽人正德舉人

雙鳳鳴

陝西人隆慶辛未進士

龐

始平宮音周文王子畢公高之後封於龐鄉因氏焉又望出京兆譙國

周龐涓

魏人與孫臏同學兵法後與孫臏戰使人斫大樹白而書之曰龐涓死此樹下涓夜至樹兵起

戰敗智窮自刎

龐降

高陽氏才子

龐煖

劇辛故居趙與煖善已而亡走燕煖見趙屢困於秦而廉頗在合煖將也欲因趙弊政圖便劇

辛故趙煖取燕軍二萬殺劇辛

漢

龐參

字仲達緱氏人為漢陽太守郡人任棠有奇節參往候之棠抱兒當戶以一盂水拔大本薤獻

之參曰水者欲吾清也拔大本薤者欲吾擊強宗也抱兒當戶者欲吾開門恤孤也在職果能

抑弱鋤強以惠政得民順帝時累遷至太尉時三公之中名以忠直

龐德公

南郡襄陽人居峴山南未嘗入城府荊州刺史劉表數延請不屈乃就候之龐公耕壠上

妻馮氏於前相敬如賓表問曰先生不肯官祿將何以遺子孫乎公曰人皆遺之以危我獨遺之

以安後攜妻子隱鹿門山因採藥不返子煥晉泰康中拜牂牁太守

龐德

字令明每戰常乘白馬關羽軍謂之白馬將軍初平從馬騰擊反羌有功累官中郎將封都亭侯

三龐清

酒泉人初以涼州從事守破羌長會張猛反殺刺史邯鄲商清聞之弃官奔哭喪所訖徐詣猛

門衷匕首欲殺猛猛知其義士敕遣不殺後太守徐揖請為主簿郡人黃昂反圍城清冒圍出告急於張掖燉煌二郡軍未至而城陷揖死清乃收歛揖喪送還本郡曹操聞之辟為掾屬文帝時賜爵關內侯

龐統

字士元德公從子司馬徽稱為南州士之冠冕漢昭烈使守耒陽不治免官魯肅曰士元非百

里才使處治中別駕始得展其驥足耳昭烈召為治中從事從昭烈入蜀為流矢所中卒子肱

剛簡有識仕至涪陵太守統弟剛仕魏為鉅鹿太守

龐儉

少失父母後鑿井得錢千餘萬得老蒼頭乃父也語曰鑿井得錢買奴得翁

晉龐伉

懷帝永嘉初為東牟太守王彌寇青徐伉拒之遇害

龐雄

宕渠人始討荆揚亂賊有功永初二年南單于檀於烏桓反殺遼東太守耿夔遣雄討之大破單

于封為都亭侯

南龐蒼鷹

揚州人因團蕉赤氣赫然知高歡為帝

唐龐嚴

壽春人舉賢良第一嘗權京兆尹強幹不阿後為翰林學士

龐玉

涇陽人從秦王征伐擒薛仁果平隴西尋為越州總管威望甚著盜不敢入境

龐孝泰

博白人龍朔中為遼東道行軍總管與蘇定方程名振等征高麗孝泰以嶺南兵逼蛇水

蓋蘇文來攻孝泰兵敗死之

龐堅

涇陽人。王四世孫。魁梧有力。歷潁川長史。安祿山反。堅守城晝夜。與賊戰。無援。被執而死。

龐履溫

開元末。為元氏令。公平稱職。清儉有善政。

龐蘊

字道玄。衡陽人。來家襄陽。潔身修行。臨終。招刺史于頔。謂曰。但願空諸所有。慎勿實諸所。無言。

訖奄然而化。世號為龐居士。

宋龐恭孫

字德孺。武城人。徽宗時。補施州通判。部蠻向文彊叛。恭孫說降而斬之。領州事。王遂上功。

進三秩仕至徽猷閣學士。

龐天祐

江陵人。以經籍教授里中。父疾。天祐割股食之。疾愈。又復病。目喪。明天祐號泣祈天。誠之。

父年八十餘卒。天祐負土封墓。結廬其側。晝夜號聲不絕。真宗時。詔旌表其門閭。

龐籍

字醇之武城人儂智高叛狄青為宣撫使或言青不專任青起行伍以文臣副之則號令不專

仁宗然之及提書至仁宗謂籍曰非卿執議豈能成功後封賴公致仕屏居讀書自娛詩云田

園貧宰相圖

史舊書生

龐安常

善醫而聾然性甚穎悟以指畫字示之深會人意東坡常戲之曰余以手為口君以眼為

耳

龐安仁

字宅道晉陵人通五經尤長於易張正素周道卿皆在其門

金龐迪

延安人少儻喜讀兵書學推步孤虛之術累官慶陽尹以治最聞迪天性孝友父病剗股作

羹以進即愈昆弟析家財盡分與之官爵之蔭必先諸姪鄉人義之

元 龐遵

永平人母病腫三年不起忽思食魚遵求於市不得歸途嘆恨忽有魚躍入其舟作羹以獻母

母悅而

病瘥

明 龐惟方

陝西延安人洪武間臨海知縣為政平恕民有爭訟必從容以理論之民自悅服時督造

海船徭役咸有調理民不知擾

龐安

博興人洪武中為嘉興府通判獲私鬻鹽徒送京師而以鹽賞其獲者戶部以其違例罰償鹽

入官且責取罪狀安上言律者萬世之常法例者一時之旨意不當以一時之例壞萬世之法今欲依例而行則於律內非應捕人給賞之言自相違背是失信於天下也上然其言詔論如律

龐敬嘉興人正統中知盧田蒞政嚴明立己廉介壇壝鋪舍祠廟皆其建置一時賢令稱敬為最士

民致厯去思

龐常

瀘州人成化進士

龐泮

字原化天台人成化進士弘治間歷刑科都給事中持論褻諤不少畏避武岡知州以事忤岷

王王訐奏之逮繫錦衣獄泮率同列論掇并下獄直聲大著大學士徐溥上言言官為國盡忠

而槩以為罪後有大利害大闕失誰肯言者上釋之仕至廣西布政以疾歸

龐嵩

字振卿南海人嘉靖間為應天府治中有惠政民甚德之立祠秣陵路口

邦

出姓苑宮音

明邦嚴

南鄭人宣德間為順德府通判

涇

在江切見何承天纂要望出南海

明

涇氏

廣東番禺

逢

長樂宮音夏殷諸侯有逢公伯志封齊王其後子孫氏焉

周

逢伯

楚大夫楚子圉許許男面縛銜璧大夫袁經士與櫛楚子問之伯對曰武王克殷微子啟如是

武王親釋其縛受其璧而祓之焚其櫛禮而命之使復其所楚子從之

逢同

越大夫勸勾踐深自隱匿以圖吳

逢滑

陳人吳入楚而召陳侯滑進曰國之興也以福其亡也以禍今吳未有福楚未有禍未可從也

晉進盟主盍托晉
以辭陳侯從之

逢丑父

齊師陳於鞍邴夏御
齊侯逢丑父為右

逢蒙

學射
於羿

漢

逢萌

北海都昌人家貧為亭長既而嘆曰大丈夫安
能為人役哉遂去之長安時王莽殺其子宇萌

謂友人曰三綱絕矣不去禍將及人即掛冠都
城門攜其家屬浮海客於遼東及光武即位始

還累徵

不起

逢安

邴邴人與樊
崇同起兵

三

逢紀

袁紹
謀士

國

萬姓統譜

十五

隋

逢行珪

撰玄機內事七卷

宋

逢龍

廣州人宋末隨文丞相麾下抗呂師夔逢龍戰死之

逢汝霖

安仁人祥符間洪州判官

逢冲

齊人登科

逢序

開州人登科

逢汝舟

開州人登科

明

逢鑑

海州人宣德舉人任教諭

逢榮

丹稜人萬厯間貴州衛指揮

降 才子龐降之後

明 降垣

阜平人宣德中任
山西都司經歷

降 銘

固始人洪武中
永嘉縣知縣

萬姓統譜卷三

欽定四庫全書

萬姓統譜卷四

明 凌迪知 撰

上平聲

四支

支 邵陽徵音支雄傳云其先月支胡人也後作氏

漢 支雄 司空

支離踈

唐 支叔才

定州人隋末荒饑母為賊執叔才告以情閔其孝為解母病癰叔才吮瘡注藥及亡廬墓

有白鵲止其傍

高宗表異其家

支謙

受業於支亮亮受業於支識
世稱天下博知不出三支

宋

支邦榮

以中奉大夫直祕閣任邕州刺史

支允文

登進士第

支詠

華州人寶佑進士

支祥

武寧節度使

元支渭興

長寧人至順初進士官至中奉大夫四川行省叅政善屬文別號龍溪所著有詩集

明

支夔

山西聞喜人成化進士

支立

字中夫嘉興人事母孝舉鄉試歷翰林院孔目與羅一峯友善務敦本為己之學尤深於經學

號支

五經

支大綸

蘇州人隆慶辛未進士

支可大

蘇州人隆慶辛未進士

支應瑞

進賢人萬曆丁丑進士

施

吳興徵音魯惠公子施父五代孫尾生稱施伯因氏

周

施伯

魯大夫孔子弟子

施之常

魯人孔子弟子

漢施延

字君子沛國蘄人明五經星官風角家貧嘗詣海鹽任作半路亭以養母時馮敷為督郵至知

其賢者下車謝使入亭請與飲食脫衣與之餉錢不受順帝初徵拜太尉

施讐

沛人初從碭人田王孫受易後為博士甘露中與諸儒襍論五經同異於石渠閣讐授張禹禹授

彭宣由是施家有張彭之學

晉

施游

宜春人仕至太常博士安樂將軍九江太守宜春侯

施彬

吳興人歷官尚書左丞信安義興二郡太守封中翊侯子平畿官至尚書

隋

施世瑛

字玉華安吉人勇斷有才氣大業中天下擾攘乃率宗族鄉鄰弟子聚糧自守聞唐高祖

起兵領衆歸附拜桃州刺史賜賚優厚

唐
施敬本

丹陽人開元中為西門助教玄宗將封禪詔有司講求典儀舊制敬本力陳古制最為詳

悉遷太常博士集賢修撰

施肩吾

分水人有詩名元和中舉進士退隱洪州西山終身不仕所著有文集十卷後遇旌陽授

以丹方竟得仙去

施士匄

吳人以詩名兼春秋在大學十九年為博士韓愈銘其墓云先生明毛詩通春秋左氏傳

朝士大夫從而執經考疑踵於門子友直縣簿次友諒齊郎

宋施宿

字武子長興人知餘姚縣以興廢舉廢加意風教市田置書教誨學者姚北瀕海歲役民修堤

民甚苦之宿為石堤建莊田二千畝以備修堤之役功與前令謝景初同稱

施子仁

知復州時元兵攻襄陽隋守張龜壽荆門守朱楊桓郢守喬士安皆委郡去惟子仁固守

城陷死之

施才

貴州人自發解歷任郡倅宣募洞蠻賊有功因入對徽宗問南方風物才曰道德一而風俗同

進朝散郎為永州太守

施德懋

端平中知建平縣廉能有善政民甚德之

施垌

字林宗武進人崇寧進士累官禮部侍郎顯仁太后回鑒為考訂儀注時以為宜性孝友在官

得親書必冠帶跪讀遇恩奏補官率推弟姪鄉里稱其賢

施昌言

靜海人舉進士知太平州上政論三十篇入為殿中侍御史

施霆亨

字榮南邵武人常師趙章泉以道學教於鄉人表其坊曰尊道

施宜生

邵武人博聞強記政和中為潁州教授試日射熊三十六賦擢第一累官禮部侍郎翰林

侍講學士

施師點

字聖與上饒人十歲通六經乾道中以臨安教授賜對言細民困窮乞免逋負詔從之假

施全

錢塘人挾刃刺秦檜不克死之

翰林學士使金以禮有所執金人駭愕後參知政事與周必大協心輔政卒贈金紫光祿大夫

施鉅

字大任武康人政和間登第累官參知政事清約自持無聲色之好卒年九十一

施元長

宣城人天聖中進士累遷兩浙提點刑獄論鑑湖不可為田甚悉後知洪州有惠政建學

校定立章程
以德業鎮俗

明施顯

字孟微常熟人洪武中鄉會式皆第一歷監察御史讀書勤苦盛夏坐帳中帳頂皆以文子緒

集其文名
兩魁遺稿

施禮

東安人洪武進士歷刑部尚書子純成化進士歷太子少保禮部尚書掌鴻臚寺事

施德華

烏程人性朴素能詩洪武中有司以明經累薦不就結屋數楹於郡城南自號城南小隱

施槃

吳縣人居家貧力學穎悟過人從父宦居淮安年十八登正統己未進士第一擢翰林修撰甫

半載
而卒

施環

安吉人弟瓊父成有腰子璞幼成疾革顧環瓊曰吾死奈璞何雖然是在爾矣二子泣曰諾比

襄事遂悉以所遺金為置田宅且分所有以益之產遂過於環玦而公私不以闕璞迄於白首友愛有加鄉人義之

施溥

醴陵人性至孝母董氏疾溥額天刲股作羹奉母母食之頓有起色既沒廬於墓側哀號如初

喪有二鳥棲於墓樹聞哭聲輒悲鳴若助其哀者

施儒

字聘之歸安人正德進士歷官副使居官居鄉皆可稱述初授御史出按南畿以直道逮繫落

職嘉靖初詔起廣東兵備副使疏立惠來大埔二縣屢平黠寇

施侃

字邦直號菁陽歸安人少精敏不羣充養純粹十四通毛詩二十四舉鄉試南宮不利者十五

載深藏靜定博觀經史凡陰陽律呂兵卜奇祕無不鈎勘有得輒書於冊裒積數百卷為古文

桂渾深懋上擬秦漢詩先氣格意興清遠與山人孫太初遊所著有菁陽集藏於家嘉靖丙戌

舉進士
歿於京

施峻

字平叔歸安人嘉靖進士歷青州知府性伉直喜規人過詩雋永流麗人所贈炙有璉川集行

世於

隋

漢隋昱

五原人光武初起兵後降拜五原太守錫胡侯

宋隋寶

萊陽人太宗時為萊州節度判官改高密令所至有能名

元隋世昌

棲霞人涉畧經史善騎射常持鐵鎗重四十餘斤能左右擊刺仕至安遠大將軍

明隋贊

字從禮山東人洪武中任巢縣丞陞知縣有異政陞知府

隋翦

棲霞人正統間任主簿邑舊無桑棗翦教植之有羣虎為害設法捕盡民賴以安

隨

河內羽音晉大夫隨武子之後與隋姓同隋文帝去走為隋又望出清河扶風

周隨會

晉大夫文侯登陞大夫皆扶之隨會不扶文侯曰會夫為人臣而忍其君者其罪奚如對曰其

罪重死曰何謂重死對曰身死妻子為戮隨會曰君奚獨問為人臣而忍其君者而不問為人君而忍其臣者耶文侯曰為人君而忍其臣者其罪何如隨會對曰智士不為謀辨士不為言仁士不為行勇士不為死文侯援綏下車辭大夫曰寡人有腰髀之病願諸大夫勿罪也

漢隨何

為謁者說九江王黥布歸漢

隨蕃

風右扶

隨弟

光武時使偏將軍隨弟定代郡

宋隨興祖

通州人紹興進士

隨可儀

撫州軍事判官

明

隨清

安丘人永樂舉人

隨承業

山東魚臺人嘉靖己未進士官按察司僉事

隨府

山西人嘉靖己丑進士

祁

太原徵音帝克伊祁之後與祈通用

周 祁彌明

趙盾之車右祁彌明者國之力士也仇然從乎趙盾而入

祁奚

晉人悼公時為中軍尉請老公問代之者稱解狐其讐也狐卒又問對曰臣之子午也可羊舌

職死公問孰可代之者對曰赤也可於是使祈午為中軍尉羊舌赤佐之君子謂奚稱其讐不為諂立其子不為比舉其偏不為黨平公立起奚為公族大夫午子順順子勝

晉

祁嘉

字孔賓酒泉人清貧好學依學官誦書為書生都養以自給博通經傳精究大義教授門生百

餘人

祁謀

著周室王誠明堂十卷

唐 祁順之

刑部員外郎

宋 祁暉

字坦之膠水人舉進士天禧中以度支員外郎出知澠州性至孝母卒葬州城南暉解官歸廬

於墓旦夕悲號蔬食水飲經六冬墮足二指會有白鳥白兔馴繞之異詔賜粟帛

祁高

開封人登科

祁融

樂陵人登科

明 祁寧

浙江山陰人永樂進士

祁順

東莞人成化進士歷左布政使子敏郎中敕知府皆第進士孜孜皆舉人慎操持富文學居寬

厚得大體

祁仁

浙江山陰人成化進士

祁清

浙江山陰人
嘉靖進士

祁鯨

阜城人
萬曆甲戌進士

祁鯤

阜城人
萬曆丁丑進士

祈

與祁同

元祈望芳

狄道人以巨家擢守
臨洮偉績著於邊陲

祈志誠

丘處機之徒也得處機之術居雲州金閣山
道譽甚著元丞相安童嘗過而問之志誠告

以修身治世之要安感其言故
其相世祖也以清靜忠厚為主

明祈壁

山後人正統間
為建寧千戶

祈義

建寧千戶所千戶

祈鳳毛

咸遠人正德舉人

皮

天水徵音風俗通周卿士樊仲皮之後又望出下邳

漢

皮究

後漢為諫議大夫

皮仲固

上計掾

皮尚

晉

皮湛

尚書郎

皮初

將軍

南皮景和少通敏善騎射齊神武嘗令景和射一野
北皮景和豕一箭獲之深見賞異除庫直正都督

皮元著春秋意
十五卷

皮豹子魏名
將

唐皮日休字襲美襄陽人能文章舉進士與孟浩然隱
鹿門山自號醉士又曰酒民作酒箴食箴與

陸龜蒙為友有松陵倡和詩集孫
文舉亦能詩文官至鴻臚少卿

皮光業字文通日休子也十歲能屬文美容儀善
談論若神仙中人撰皮氏見聞錄十三卷

宋皮龍榮字起霖醴陵人淳祐進士伉直不肯降志於
賈似道歷官資善堂直講入對言一過改而

一善著百過改而百善融
陞吏部侍郎封醴陵縣男

皮子信

機悟有風神位儀同三司
於勲貴子弟中稱其識鑒

皮仲容

登進士第

明

皮璵

江西人永樂進士

皮承貴

鹽亭人嘉靖舉人

皮豹

應天府人嘉靖進士歷運同

訾

渤海徵音風俗通帝嘗妃訾嫫氏之後

周

訾柘

宣子家臣

漢

訾順

樓虛侯功臣表

宋

訾虎

麟州知州元豐八年夏人寇麟州虎敗之

金

訾亘

嘗師丹陽馬鈺長春丘處機自號守真子稱訾仙翁遊歷濟南抵鄭之釣臺太和間大雪丈餘

亘不出已十餘日人以爲死矣衆除雪視之端坐儼然殊無寒餒色貞祐間大兵破川陝軍民恐懼亘曰無妨已而果然哀宗幸蔡問曰天下城池攻陷殆盡此城獨安何也人以訾仙翁對亘遂溘然羽化未及喪葬翌日城遂陷矣

元

訾汝道

齊河人母嘗寢疾晝夜不去側母屏人授以金珠若干曰汝素孝可善藏之汝道泣拜曰

父母起艱難汝道恨無以報大恩尚敢受此乎竟辭之悉讓於弟

明

訾宣

山東諸城人貢士正統中任光祿署丞

訾玉

馬邑人成化舉人

訾綬

山西人弘治進士

裨

音脾姓纂云宣州有此姓

周

裨竈

鄭大夫明文

裨諶

鄭大夫

晉裨惠

桓彞長史蘇峻之亂惠與彞謀拒之

時

隴西徵音齊賢人時子之後又望出陳留

周時子

見孟子

時農

鉅鹿人

漢時苗

少清白建安中為壽春令之官用黃犢牛牽車歲餘生一犢及去留其犢以初來本無犢也

時軌

鉅鹿人謁者僕射

晉時荷

字陽道從許君學道晉寧康二年與陳君孝鑒東導從許君上昇荷有遺跡在紫蓋府今為南

昌縣廳宋封為洪施真人

唐

時惠詢

陽曲人以孝稱

五代時溥

徐州人為破黃巢第一後兼中書令鉅鹿郡王

宋時彥

字邦美開封人舉進士第一嘗尹開封郡城苦多盜捕得則皆亡卒吏憚於移問往往畧之彥

始請一以公憑為驗否則拘繫
之以俟報坊邑少安獄屢空

時丹立

興化人任高郵司理蒞政仁恕民多德
之秦少游挽詩有青史戴于公之句

時起之

彭城時氏散居崇德吳興廬陵父
歆兄嘉之廸功郎起之守臨川

時檄

字傳之崇德人歷知和州居官廉正惠愛辦治
尤長於識鑒嘗擇壻得同邑莫元忠元忠處儉

約辭以非偶笑曰莫子當為
今人後果及第為時名士

時新

通判汀州子四人勝
之恭之文之惠之

時衍之

吳興人朝散大夫子五
雋登進士傑侃佐行

時開之

子佑倚贈
時起之序

金時茂先

日照縣沙溝酒監寓居諸城紅袄賊方郭三據密州過其村居民相率迎之賊以元帥自

稱茂先怒謂衆曰此賊首耳何元帥之有方郭三聞而執之斷其腕茂先大罵賊不勝忿復剔其目亂刃剉之至死罵不絕口詔贈武節將軍同知沂州防禦使事

明時執亮

山東東平人洪武進士知同安縣公勤廉恕以禮讓導化不事刑罰吏民宜而安之

時季照

慈谿人洪武中以訓導擢監察御史在位十年始終一節陞四川按察僉事

時永

河南人永樂進士

時紀

河南人永樂進士

時中

常熟人弘治進士山西僉事子時夏正德舉人時春嘉靖舉人

時植

字良材通許人以太學生任四川梁山縣主簿正德六年署縣事流賊率衆攻城植立守凡七

晝夜會大雨雪城崩陷被執賊刃其面使之跪植不屈又刃脫雙腕植益憤罵不絕口賊怒殺

之事聞
詔知縣

時通

錦衣人嘉靖進士

時源

子陳父子於嘉靖間為大將

池

西河徵音以居為姓

漢池瑗

中牟令

池仲魚

為魏城門候城門失火仲魚燒死城門失火殃及池魚諺云韻府

宋

池鄂

侯官人治平二年進士

池光庭

長溪人端平進士高州文學

池夢鯉

咸淳甲戌特科狀元

池聘

平陽人嘉定間知宜州

明

池浩

徐州人成化中為廣東香山知縣

池闕

涿鹿衛人正德進士

池鱗

汾州人正德中鉅鹿訓導

池浴德

福建同安人嘉靖進士

師太原徵音周師尹之後又望出瑯琊平原

周師服晉人穆侯時為大夫穆侯名太子曰仇次曰成師師服知其兆亂於此仇立是為文侯封成師

於曲沃其後逆亂皆如其言

師曠晉人為樂師度正音律悼公嘗問曰衛人出其君不亦甚乎對曰良君養民如子蓋之如天容之如地民奉其君愛之如父母仰之如日月敬之如神明畏之如雷霆其可出乎夫君神之主也而民之望也若百姓絕望社稷無主將安用之

師涓寫濮上音

師經鼓琴魏文侯曰使我言而無見違經援琴而撞文侯中旒潰之文侯曰為人臣而撞其君者罪

當烹經曰臣可一言而死乎昔堯舜唯恐言而人不違桀紂唯恐言而違之臣撞桀紂非撞吾君也文侯曰釋之是寡人之過也懸琴以為寡人符不補旒以為寡人戒

師悝

師觸

師蠲

俱晉人

師乙

魯人

師叔

左傳管仲曰鄭有叔詹堵叔師叔未可問也

師懼

齊人弑其君魯襄公援戈而起曰孰臣而敢殺其君乎師懼曰夫齊君治之不能任之不肖縱

一人之欲以虐萬夫之性非所以立君也其身死自取之也今君不愛萬夫之命而傷一人之死奚其過也其臣已無道矣其君亦不足惜矣

漢師丹

瑯琊東武人治詩舉孝廉為郎累遷大司馬哀帝封拜丁傳追帝共王丹皆切諫浸不闕遂策

免平帝即位以丹執忠節封義陽侯卒謚節侯

師史

前漢人轉穀百數郡國無不至過邑不入門能致十千萬

師遷

陳敬王相

三師景

趙王倫收賈后尚書疑詔有詐師景露版請手詔信等以為阻衆斬之

師覺授

荊州都督劉義舉南郡處士師覺授

晉師宜官

工書王右軍贊之云師宜官墨帖之奇令去官字

南師覺

元魏涅陽人少有素業以琴書自娛忽聞書一函題曰至孝師君俄而不見奔闕

持家一

叶而絕良久乃甦後撰孝子傳十卷累辟不就

宋師顏

大名內黃人父均後唐進士官至永興節度判官顏曠達夷雅篤於問學與兄頌齊名開隆初

舉進士官至殿中侍御史召為翰林學士所著有文集十卷子仲回端拱初進士

師邕

字睦之性恬約喜施第進士累遷監察御史

師頽

內黃人太宗時遷侍御史知安州所至以簡靜稱太宗賜緡錢二十萬

師維藩

眉山人仕為全州文學徽宗時興太學國子司業高閑言建學之始宜得老成以誘掖後

進乃以維藩薦
詔除國子錄

師顯行
眉山人景定中知惠州政尚清靜忽狂寇竊發即擒滅之人以為仁者之勇公好學不釋

卷著詩書
以自娛

明師遠

東阿人以國子生擢監察御史陞陝關
歷兵吏二部侍郎尋陞戶部侍郎兼
事卒

賜祭葬遠有德
量為時所重

師賓

萬安人天順中知德清縣明敏有為九載訟平
政理公餘坐梅花堂鳴吟以自適向慕古雅號

稱賢
良

師夔

陝西人弘
治進士

師皋

陝西人弘治進士

遲

太原徵音

殷

遲任

古賢者有言曰人惟求舊器非求舊

周

遲昭

晉人湘東太守

晉

遲超

湘東太守

明

遲適

福山人永樂中太僕寺丞

遲良

當塗人永樂貢士山東都司經歷

遲讓

上元人永樂舉人

遲鳳翔

山東臨朐人嘉靖進士歷官兵部左侍郎

遲問仁

雲南人萬厯間婺川知縣

耆

堯姓伊耆氏之後

周耆域

天竺人善咒水

伊

陳留宮音古天子有伊祁氏其後因以伊為姓又望出河南山陽

殷伊尹

耕於有莘之野湯以幣三聘之遂幡然而起相湯伐夏救民以天下為已任一夫不獲其所曰

時予之辜又相太甲而放之使之處仁遷義卒成令主孟子稱其聖之任者也

伊陟

尹子相太戊亳有祥桑穀共生於朝伊陟贊於巫咸作咸義四篇

周 伊戾

宋太子內師而無寵楚客過宋太子請野亭之戾請從公曰太子不惡汝乎曰臣之侍君也惡

之不敢遠好之不敢近敬心待命敢有二心乎及太子飲用牲加書徵之馳以告公

漢

伊推

義郎

三 伊籍

蜀人字機伯擢昭文將軍使孫權權聞其才辯欲逆拒之入拜權曰勞事無道之君乎曰一拜

一起未足為勞其機捷如此

南 伊邴

代人少勇健走及奔馬善射力拽牛却行仕魏為侍郎賜爵河南公拜司空清約自守為政舉

大綱不為苛碎人欽慕之

伊說

撰尚書釋疑五卷

唐伊慎

字寡悔兗州人通春秋戰國策天官五行書善射為折衝都尉屢立戰功拜蘄州刺史封南兗

郡王憲宗即位以兵付其子宥身入朝拜尚書左僕射

伊恒

金吾將軍

伊宥

恒長子右領軍衛軍能率義以揚家

五代

伊審微

同知樞密院事

宋

伊震發

綿州人寶慶進士

明伊秉

字德載吳人為應天府學生舉進士授南京刑部主事員外郎十三司奏牘稱其學擢四川按

察僉事理冤抑活饑民討除劇賊稱其政三載乞終養不復仕

伊恒

字宗有嘉定人永樂中以善書薦入翰林簡入東官歷尚寶少卿

伊侃

應天府人
正統進士

伊敏生

嘉靖進士官至副使子在廷隆慶乙丑進士官至禮部員外

伊堯夫

寧化人萬厯間江西星子縣知縣

夔

羽音京兆楚君熊摯之後為夔子孫以國為氏

北南

夔安

趙人
太保

夔逸

夔滕

俱安
後

明夔信

合肥人成化舉人任零都縣知縣

司

宮音頓丘鄭司臣之後

周

司臣

鄭人

司齊

晉大夫

宋司超

元城人初仕漢周以戰功累官舒州團練使宋初陞防禦使太祖討李重進以為前軍步軍都指揮使

元

司庠

恩州人與弟廩舉進士庠為西臺御史梗直無所顧忌廩有才行仕至禮部尚書

明

司牧

澤州人弘治舉人

司攷

澤州人弘治舉人

司天爵

太原人弘治舉人

司迪

山西人正德進士

司恩

內黃人嘉靖中太僕寺丞

姬

南陽徵音帝營生姬水因以為氏

周姬旦

文王子世居岐山生有聖德輔武王伐紂以安天下又輔成王制禮作樂以成周家之治焉

姬奭

世居岐山與周公同輔武王定天下又輔成王以成至治

漢

姬嘉

封南君

姬常

光武封為周承休公

唐姬處遜

水部郎中

明姬敏

孟津人通儒書明律算德行純備節操過人洪武中以材翰舉授西安知府

姬冕

興寧人舉人洪武間歷官福建左布政使

姬輔

蒲州人洪武舉人

姬煥

蒲州人洪武舉人

姬珪

博野人永樂間知府政平訟息民甚宜之九年秩滿民赴京乞留再滿政治如初在任九二十

年一

姬序通

西和人正統辛酉為監生入朝賀是夜帝夢異人奏曰明日監生衣紅者為忠臣次日令

索之獨序通衣紅襖帝心然之特拜為山西汾州知州歷官僉事

姬鵬

蒲州人正德舉人

郝山陽角音又望出濟南

郝儉

漢益州刺史

晉

郝詵

單父人博學多才不拘細行舉賢良對策第一嘗對武帝曰臣猶桂林一枝崑山片玉帝笑累

尚書

左丞

郝鑒

字道徽高平金鄉人博覽經籍躬耕壠上吟詠不倦為車騎將軍與王導卞壺等同受遺詔輔

少主位至司空加侍中王敦忌鑒鑒曰丈夫既潔身北面豈可偷生屈節遂與帝謀滅敦

郝隆

字弘始金鄉人直亮有匪躬之節為尚書左丞在朝為百寮所憚後為揚州刺史為陳留王遂

所害父子皆死時議惜之

郝曇

字重熙為中書郎中遷御史中丞

郝

字道開曇子襲父爵散騎侍郎關中車孝武帝深器之使鎮襄陽甚得關

和降衛

附者甚衆後以軍功加督隴將軍尋為尚書卒子循嗣

郝愔

字方回鑒子有邁世風襲父爵南昌縣公徵拜門下中書侍郎有三子超融冲

郝超

字景興少卓犖不羈父愔好聚飲積錢數十萬超一日散與親故俱盡桓溫辟為府掾府中語

曰髯叅軍短主簿能令公喜能令公怒超多髯而王珣短也桓溫入朝謝安與王坦之詣溫溫令超卧帳中聽客語風動帳開安笑曰郝生可謂入幕之賓矣

郝儉

陸空井見大龜張口或逸或仰試隨所為遂閑

郝邁

鑒兄子為晉陵內史慈愛養士為流亡所歸擢兗州刺史

郝僧施

丹陽尹與劉毅謝混深相交結

唐郝純

字高卿兗州金鄉人舉進士張九齡李邕闕稱之自拾遺遷至中書舍人時魚朝恩牙闕李琮

恃勢桀橫辱京兆尹崔昭於禁中純曰此國耻也即詣宰相元載請處其罪載不闕遂解疾還

東都號伊川田父十年不出德宗立召見褒嘆賜金紫

郝士美

字和夫充州人自拾遺七遷至中書舍人處事不阿為元載所忌遂遷東都德宗召為學

士不拜世

高其節

明
郝再思

平定人洪武舉人

郝敷

祥符人永樂舉人

郝勛

平定人永樂舉人任知州

郝夔

弘治進士山西人

郝元洪

字文範平定人正德辛巳進士歷叅政

郝燦

平定人萬厯間秦州知州

麋

汝南宮音楚大夫受封於南郡麋亭因以為氏楚工尹麋之後又望出東海南陽

三國 麋竺

字子仲胸人世貨殖資產巨萬呂布襲下邳虜先主妻困匱日甚竺進妹為夫人奴客數十金

銀貨幣以給軍資賴以復振後益州平拜安漢將軍竺雍容敦雅而幹翮非其所長故先主待

之雖厚而未嘗有所統御弟芳

麋威

官至虎賁中郎將威子照虎騎監自竺至照皆便弓馬善射御

麋晃

魏將

晉 麋豹

東海人永興二年為吳郡太守

宋 麋勗之

麋信

撰說要
註穀梁

麋錯

字公範吳縣人登政和進士為確山縣市易務由博士持使節與秦檜議不合弃官去以終贈

為金紫光祿大夫

麋師旦

字周卿錯子年十七登進士第知富陽縣歲旱民饑竭力拯救多所全活轉朝奉大夫秘

書郎紹興五年知秀州歷顯謨閣學士政議大夫

麋溧

字子長師旦子以郊恩授如皋尉登慶元進士改和州司戶叅軍知廣濟縣崇庠序督課試平

後法講荒政惠政滂溢於時擢監察御史言事激發風裁凜然轉朝議大夫祕閣修撰溧學問克實性稟純厚退靜清介居家孝友雍穆立朝正色剛直有大臣之節名重一時

麋箕

字伯升溧子初以祖郊恩補將仕郎嘉熙中登進士時兆兵至通州議以防江為急箕上言五

事歷知安慶府在官四年境有嘉穀之瑞轉朝奉大夫吳縣開國男

麋弁

字仲昭弁弟以父任思知山陰縣歷尚書郎中弁在銓衡人皆憚以私請或問

弁曰性拙所至豈能復刊為圓關安吉州兼提舉江西常平弁所至吏不關豪右屏迹

立朝議政尤號知大體

明麋立道

和順人正統間為直隸密雲衛經歷

儀

衛大夫儀封人之後

周儀楚

齊大夫

儀行父

陳大
夫

漢
儀長孺

關河人
善相馬

宋
儀大初

修武郎僉
判連關

明
儀智

高密人
體召為禮部關

布政使簡易凝重得藩臣
郎遇使務別是非不少附會

尋符東宮講學以老成端謹稱年
八十致仕贈太子少師謚文簡

儀銘

關
智子關經明行修仕至兵部尚書贈太師
易直孝友子瑁大名府通判

儀象

關
寧關
宣德間
經歷

儀表

太平人
宣
德舉人

儀銳

字宗敏平生任質好義取舍多不苟其父任於廣宗銳往省之行次觀城道中拾遺銀百兩銳持以待坐

闕有泣而至訊之乃失銀者也銳悉授之其人致謝銳却之

儀鳳楨

太平人成化舉人

兒

官氏志賀兒氏改為兒氏

周兒良

秦將

漢

兒長卿

臨淮人任俠

兒寬

千乘人治尚書家貧賃作帶經而鋤武帝時以爲掌故遷左內史吏民大信愛之通世務

明習文法以經術緣飾

吏事後爲御史大夫

兒萌

更始時弟明見執於赤眉將殺之萌叩頭乞以身代哀而釋之

兒式

九真太守

兒孝德

南海人建安太守

兒宏

更始將

南
兒襲祖

會稽山有石刻石不知文字所在行闕石文曰黃天星姓蕭名道成得元闕

天下見

太平

危

汝南宮音又望出齊郡今臨川多此姓

漢
危冉

與王真相善

唐危全諷

南城人豪勇任氣乾符末所在寇起全諷聚衆保鄉里中和間詔以全諷為撫州刺史招

懷流亡百廢具興

危仔昌

全諷弟同聚衆保鄉里歷官新撫饒信四州刺史後為楊氏所敗奔杭州

危德昭

仔昌子居家孝友事吳越掌文翰機務明以委之累遷至丞相厚重多謀有明性嗜

酒雖沉醉無怠事易姓元氏孫元絳為宋叅知政事

宋危拱辰

字輝邦南城人性純孝十四五代父為明題初月詩令尹異之令專儒業淳化間舉進士

累官至光祿卿

危祐

字夢弼南城人天禧間舉進士出知開按治有所求祐告以民情不從開

某不者

敢擾民以固位請遂歸百姓

固以尋遷太

危昂霄

字次房光澤人性嗜經史雅意林泉不樂仕進詩詞多豪俊超曠為人所慕

危昭德

邵武人寶祐初進士歷官侍御史權工部侍郎嘗為崇政說書以易春秋大學衍義進講

反復規正子
徽咸淳進士

危和

開禧初為上元主簿大開祠宇以祀程顥真德秀為記之

危翁

一光澤人家貧業樵靖康中間徽欽二帝北行哭三日骨立而死寄菴季炳以詩弔之云南

鄉老人危翁一歲晏雨晴扶杖出驚聞二聖塵再蒙歸闔柴門哭三日眼空愁絕聲遂止里人唁翁翁死矣凜然生氣申包胥萬古千愁葬忠義

危積

字逢吉臨川人淳熙中進士以詩名著歷屯田郎官上言國家治亂之故忤用事者出知漳州

後歸與鄉老為真率會所著有巽齋集弟和開禧進士

危夢亨

南海人紹定進士

元危德華

光澤縣人博覽經史不慕榮華善屬文精於詩同時危太樓葛元詰鄧宇皆極稱賞

危復之

撫州人宋末為太學生博覽羣書好讀易尤工於詩元帥郭昂薦為儒學官不就至元

中累以幣徵之皆不去隱於紫霞山中士友私謚曰貞白先生

明危素

金谿人少穎悟工詩字有能聲登吳澄門為高第仕元累官至行中書省右丞本朝重其文學

累擢弘文館學士時備顧問論說經史後謫居和州卒

危孝先

漢江人洪武進士

危止

字公定江右人讀書好義國初獻策隸常將軍麾下征陳友諒降熊天瑞定廣州皆用其謀歷

中書省右司郎中卒於官

危子登

廬陵人永樂進士

危山

字志岳元尚書素之後也今為懷寧人

母能

領鄉薦山幼悟穎異持恥逐羣兒

行孤學

學教諭

危行

字世隆邵武人登弘治壬戌進士授樂安縣樂安民健訟多逋負前令遂以誣坐敗公操持清

苦蔬食敝衣淡如也民訟至庭必問講折徵
輸贏餘一介不取三年擢監察御史冰蘖之操
益勵兩浙權貴獄不
避嫌疑人服其允

危嶽

黔陽人嘉靖進士

眭

息為切望出趙郡

漢眭弘

魯國蕃人少好俠長乃變節以明經為議郎元
鳳中泰山大石自立上林苑僵柳復起弘推春
秋意以為當有從匹夫為天子者霍光惡
之下獄死後宣帝興於民間徵弘子為郎

眭孟

魯人授公羊春秋於嚴彭祖

三眭固

魏將薊州人

明睦友直
溧陽人洪武中任府通判

睦紘
睢寧人正德進士給事中

睦熒
丹徒人嘉靖進士

睦明才
四川資縣人嘉靖進士

萬姓統譜卷四

欽定四庫全書

萬姓統譜卷五

明 凌迪知 撰

上平聲

岐

安化文王支庶留岐故為岐氏又云黃帝時岐伯之後又望出趙郡

上岐

伯北地人黃帝與論醫有素問內經行於世

南岐

盛楚王璋舍人

唐

岐才 慶州人

宋

岐賁 端拱登科

元岐裕齋

解州人逸其名胡元御世隱居不仕以學行鳴於時人稱為裕齋先生云嘗於所居西南

建孔顏曾燕居堂及學舍歲時率鄉人修祀事習禮儀叙鄉飲少長之節教樹畜敦行藝鄉人

翁然臻嚮孫祖訓以賢良方正舉歷官右都御史

明岐祖訓

解州人洪武中舉賢良方正歷官右都御史

岐廷訓

解州人洪武中舉賢良方正

岐亨

解州人洪武中任右副都御史

岐政

解州人宣德中任給事中

岐崙

推州人弘治中貢士任訓導

義義和堯掌天地之官子孫氏焉

上義仲堯
古時

离

周离朱
即离婁百步見秋毫

斯東陽渤海令東陽有此姓

漢斯從
剡人見吳志

三斯敦東陽人吳赤烏間父偉為廷尉失儀當死敦叩闕泣血乞以身代吳主嘉其孝赦偉罪仍表其

宋

斯澤

紹定四年以朝散郎知南康軍

明

斯干

垣曲人洪武中為長沙府通判

斯泰

鳳陽人正統間為贛州衛指揮

斯正

東陽人嘉靖中舉人知縣

斯言貫

贛州人萬厯癸酉舉人

彌

衛公孫彌牟以王父字為氏

周

彌牟

魯大夫

彌子瑕

衛靈公幸臣食桃甘啖其半以奉公以母病犯刑罪而矯公車以出

漢
彌升
三輔決錄

新豐人

宋
彌冲
祥符
登第

彌遜
徽宗時知冀州金人犯河朔諸郡皆警備遜乃捐金帛致勇士修城堞決河護塹邀擊其遊騎

斬獲甚衆元術北還戒衆毋犯其境

彌大
河東宣撫使以清分兵為腹背劫攻之圖故有是命張師正敗績於河東大誅之

明
彌堅
洪熙間刑科給事中

知
見姓苑

周
知果
晉大夫宣子之族勸宣子弗立瑤不聽改為輔氏後知氏滅惟輔果在

知伯

晉大夫

知瑩

林父之從孫父荀首食於知因號知氏邲之戰知瑩沒於楚首求於楚而歸之迎立悼公修政

施德晉以復

霸卒謚曰武

知徐吾

魯昭公二十八年晉滅祁氏魏獻子為政分其田七邑以徐吾為涂水大夫善於其職

宋知浹

汾州人知書通春秋左傳好直言岳飛以賓客待之飛初下吏浹上書聲其冤流袁州

明

知陝

袁州人景泰進士

猗

音其平聲望出陳留河南

周猗頓

魯之窮士用鹽起家與王者埒富

脂 見姓苑

漢 脂習

字元升京兆人與孔融相善曹操殺融習往撫之曰文舉捨我死吾何用生為文帝以習為樂

布之節加
中散大夫

茨 疾資切

周 茨訖 晉人

漢 茨充

字子和靖州人建武中為桂陽太守教人種桑育蠶人得其利至今江南賴遺惠至今

蛭

周

蛭蛙

齊臣見孟子

犁

周犁彌

伐晉夷儀隨東郭書先登而讓賞會夾谷勸以萊人劫魯侯為孔子所却

犁鈕

魯定公會夾谷鈕曰孔丘知禮而怯可因萊人為樂執魯君

茲魯相公之孫公孫茲之後以名為氏望出會稽

宋

茲成

塾江人熙寧進士

眉

周

眉間尺

干將莫邪子復父仇殺楚王

宋

眉壽

成都人政和進士

明眉旭

懷仁人洪武中舉孝廉授評事

眉清

華容人宣德中真定府平山縣丞

邵

奚仲為夏居正自薛封邵子孫以為氏望出信都

漢

邵彤

信都人歸光武拜太守信都反者捕繫其父弟妻子使為手書招彤彤曰事君者不顧家以功

封為靈壽侯
圖像雲臺

明

邵贊

通州人永樂舉人

邵宣

通州人永樂舉人

丕

晉大夫丕鄭之後

周 丕鄭

荀息欲輔奚齊鄭曰事君從其義不阿其惑非里克之中立為惠公如秦謝緩賂且謀除呂甥

卻芮遂為

卻芮所殺

丕豹

鄭之子奔秦勸秦多與晉粟

明

丕承文

句容人嘉靖中任三河縣訓導

綦

官氏志綦連氏改為綦氏望出河南

漢

綦儁

義興人將軍

宋

綦璠

端平中知休寧縣以廉平愷悌得民心及去民立像祀之

綦奎

嘉定人以朝散郎敷文閣

綦崇禮

字叔厚三世取進士明經科遂為北海名家建炎中除翰林學士南渡詔令悉出其手所

著有文集退居台州賓客到門一介之士亦以均禮故家子弟淪落者推橐金以濟其乏

綦紳

弋陽人
迪功郎

元綦泰

大德間為樂安尹公廉惠愛民不忍欺歷三十餘年沒於官橐囊無餘資民祀於蕭信公廟

綦公直

樂安人世業農為益都勸農官世祖知其勇召授領兵荆南等處招討司事奉旨南伐至

隆興與宋兵逆戰斬首萬餘級生擒七百人加招勇大將軍珮金虎符後從巴延戰洪水山追

擊侵遠援兵不至公直與妻俱陷子瑗力戰而死

明

綦紹

衡山人永樂舉人

綦冕

綦江人永樂舉人

綦冲

湖廣慈利人正統中大庾縣知縣

綦禎

大治人正德舉人知縣

綦光宗

湖廣人萬厯間修武縣典史

綦才

萊州人萬厯癸酉舉人

醫

周醫

和晉平公求醫於秦秦使醫和視之曰疾不可為也是謂近女室病如蠱非鬼非食惑以喪志公

曰女不可近乎對曰節之天有六氣陰陽風雨晦明也分為四時序為五節過則為苗君不節

不時能無及此乎趙孟曰
良醫也厚其禮而歸之

箕

箕子之國以國為氏

周

箕鄭

晉文公問濟
饑對曰以信

箕鄩

晉大夫

漢

箕堪

西華
令

箕肆

臧荼
相

箕稠

烏桓
校尉

晉

箕澹

勸劉琨
攻石勒

移

漢

移良

弘農太守

明

移善

遷安人宣德中順天府照磨

氏

音脂破雍將軍烏氏後又吳志是儀本姓氏後改馬

五代氏叔琮

從朱全忠攻戰大敗晉兵

氏延賞

梁將

睢

趙大夫食采於睢邑因以為氏

漢

睢真

明

睢明義

元弘文館學士洪武初謫居和州

睢稼

洪武中為翰林學士歷中書右叅政

睢澤

滑縣人成化中舉人

睢淳

滑縣人成化中舉人

睢淵

滑縣人成化中舉人

錡
商人之七族

漢

錡強良

錡義

錡衍

錡常

錡華

洛陽人

錡嵩

荊州刺史

明

錡勝

龍溪人正統間廬江縣學訓導

卑

卑耳國之後望出鴈門

漢

卑戎

卑躬

右北平太守

卑整

鳳門人太傅掾
蔡邕作胡廣碑

明

卑銘

樂城人正統中河
南南陽縣主簿

夷

齊大夫夷仲年之後以國為氏

周

夷射姑

邾大夫

夷仲

齊大夫

夷逸

詭諸之裔隱居不仕或勸之曰吾譬則牛也
寧服軛以耕於野豈忍被繡入廟而為犧牛

漢

夷殺大

夷長公

明夷福

靜寧人正德間
福州衛指揮

私

漢

私匡

遺

魯費宰南遺之後

周遺臣靡

寒浞殺羿復用詭殺夏后相篡位夏之
遺臣靡收二國之燼滅寒浞而立康

漢

遺登

遺餘人

急就章

之

出姓苑

漢之馬字

明之輔

保昌人洪武中秦州教諭

其

地名見姓苑以地為氏

漢

其長壽

其石

陽阿侯傳封六世見功臣表

宋

其德林

儒林郎

明

其福

昌平人宣德中崇德縣丞

嬌

音歸俱為切舜居嬌濬其後因為氏

漢 媽皓

尚書郎有才畧明達
國典寶武薦於朝

媽覽

文士
傳

宜

見姓苑并直音

周

宜咎

陳大
夫

隋

宜繒

宜林

西南
夷

元

宜桂可

湘潭人號可山博通經史弟子及門受
業者以百其名在劉須溪趙青山之間

明

宜觀

河內人正統
中分宜縣丞

宜順

鄜州人正德舉人

宜秉

鄜州人正德中英山縣知縣

規

見姓苑

明規

夏邑人弘治中慶遠府教授

麗

國名見通志

漢麗仲仁

淮相

馬

出姓苑商音

明馳九垓

仁壽人成化中舉人

慈

高陽氏才子之後

漢

慈仁

慈人佗

急就章

明

慈止

仁壽人永樂中大足縣訓導

釐

見氏族志

南
北釐豔

斤

音其

唐

刁實

左軍副使

刁士能

都水
監丞

刁

音其亦作刁

唐

刁志求

刁志紹

魏博
大將

宋

刁贊

諸司
使

明
刁葛

正統間陝西商南縣訓
導存心不苟講解尤勤

刁宣

乾州人弘治
間唐山丞

刁鵬

杞縣人正德
間秀水丞

元驥

陽谷人正德中山西泌水縣訓導

元鸞

項城人嘉靖間蕪湖丞

馬佳

周驢

晉大夫

馬甥

鄧人

奇

河南伯奇之後以王父字為氏又官氏志奇斤氏改為奇氏今開封有此姓

奇軾

代州人

明奇景中

零陵人洪武舉人

飢 殷人七族有飢氏

漢 飢恬 滇昌大豪

騏 河東

漢 騏殷 下邦令

締 音郝杜預云野王西南有締城

漢 締宗周 字子時靈帝時為黃門令

頤 見姓苑

隋 頤 象川人與兄晃同受學於鄭鐸

而如之切宋大夫守而門故以為氏

周而班宋人

漢而跖子昭昭生申尚景泰女南宮主見功臣表

明而純歸州人正德間綏德州判官

為姬姓魯昭公子公為之後以字為氏

漢為昆南郡太守

熙帝嘗使玄冥為水正熙氏佐之因以為氏

明熙光宣河南人洪武中儀制郎中使朝鮮

旗齊公孫子旗之後以王父字為氏

漢旗光

九江太守

離中庶子離常之後

周離婁

見孟子

漢離班

僖魯僖公之後望出彭城古今表作釐同音

周僖負羈

彭城人晉重耳已過曹曹君欲觀其駢脅負羈諫不聽乃私善於重耳後伐曹虜其公以

歸

基

明基厚

大足人正統間
湖廣道州吏目

靳

見姓苑靳春侯之後

漢

靳良

弘農
太守

明

靳航

成化中廣東市舶
司提舉襄陽人

毗

明

毗寵

正統間舉
人膚施人

貽

宋 貽範 咸淳中華亭縣尹

貽訓 乾道間知汀州

尸 其先封尸鄉因以為氏

周 尸佼 秦人為商君師著尸子二十篇

尸臣 齊相

明 尸聰 膚施人永樂舉人雲南府推官

尸帛 茶陵人永樂舉人

尼 見姓苑

明 尼養德 益都人洪武中為洛陽教諭倡明禮學啟迪後進弟養性任訓導

尼江 中牟人正德舉人

尼可登 鉅鹿人萬厯間山西平定州吏目

惟 見姓苑後魏桓皇后惟氏

宋 惟官方 紹興間知南安縣事

蔡

宋 蔡方直 員外郎

明 蔡玉 涿州人弘治中順慶府同知

蔡弘宇

柳州人舉人弘治中善化縣知縣

縻

宋

縻師元

新昌令

明縻煥

上元人洪武舉人訓導

資

陳留黃帝之後食采資中因以為氏又望出會稽

周

資成

陳留人

明

資頤

來陽人嘉靖舉人知縣

思

以謚為氏

明思志道

東昌人成化建安縣丞

飾

宋

飾君輔

治中

飾成之

政和進士

飾光

承議郎嘉熙間通判臨江軍事

被

周

被離

闔盧之臣

菑

見姓苑北海

漢

留莊

青州人為
北海望族

怡

本姓默台避諱改為怡氏見姓苑

南

怡峰

後周人為
儀同三司

明

怡居敬

耀州人洪武初以
明經為本學訓導

維

漢

維汜

成都人光武時
以符術動人

明

維允

陝西慶陽
府有維氏

衢

明 衢通

江西人正德中
建陽丞

糜

見姓苑

三 糜信

平樂太守註春秋穀梁傳十
二卷說要十二卷漢議二卷

明 糜子實

繁峙人永樂舉人

糜淳

雲南人嘉靖中
四川綦江丞

誰

明 誰龍

南部人正德間
九江府照磨

匙

常之切

明匙廣

蒲城人嘉靖中貢士任州判

匙北鑰

蓬萊人萬厯間延綏把總

嗣

衛嗣君之後

漢嗣居仁

羈見姓苑

漢

羈栩上黨人

詩出姓纂望出合浦

漢詩索

交趾朱爲人妻徵則甚
雄勇同女弟徵貳反

莉

音遲淮南有之

鄔

音委見直音

姪

姓纂云陳留人

治

平聲見何承天纂要

藜

淮南有此姓

鄔

音離見直音

纍

音茲見直音

卿

邾武公封次子於卿後失國子孫因以為氏

蚩 克之切蚩尤氏之後

庠 見姓苑

枝 見姓苑楚大夫枝如子躬之後

砥 見姓苑

持 見姓苑

异 見姓苑

郛 郛國之後因以為氏望出東平

驪 地名驪戎之後以國為氏

狸 舜八元季狸之後

濡 河間

邾 邑名周文王封支子於邾因以為氏

鄆 地名見姓苑

鄆 國名廣漢章帝徙宋公於此因以為氏

綵 出姓苑

辭 見姓苑

淄 川名

達

見姓苑

悲

孺悲之後

郫

地名成都

郟

地名見姓苑

衰

趙衰之後

憇

見通志氏族

彝

見通志氏族

差

風俗通云人姓

崦 山名見姓苑

綏 州名

蜀 音携梁公子蜀聞

追 國名見姓苑

蒂 音師衆也見直音

嫫 說文嫫人姓也

吹 見姓苑

睦 音睦見姓苑

毒 音拂見直音

魁 見姓苑

箕 音箕帚也左傳晉大夫箕鄭之後見直音

闕 見姓苑

俊 音詩左傳魯大夫施伯俊氏姓苑俊人姓沛人也見直音

𠂔 𠂔 𠂔

萬姓統譜卷五

欽定四庫全書

子部

萬姓統譜卷六至九

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣王家賓

謄錄監生臣胡念祖

欽定四庫全書

萬姓統譜卷六

明 凌迪知 撰

上平聲

五微

韋

京兆羽音顓帝大彭之後封於豕韋以國為氏

漢 韋孟

彭城人為楚元王傳元王子孫荒淫不遵道孟作詩諷諫後遂去位徙家於鄒自孟至賢五世

為鄒魯

大儒

韋賢

字長孺魯國騶人質朴篤學號稱鄒魯大儒累官大鴻臚宣帝立以與謀議賜爵闕內侯位至

丞相封
扶陽侯

韋玄成

平陵人賢子初以父任為郎與五經諸儒襍論於石渠閣元帝朝拜相封侯故國其父子

俱以明經至相故諺云遺子黃金滿籬不如教子一經孫彪孝行純至好學洽聞官至司徒

韋著

博學篤行陳蕃薦處士徐穉韋著等德行純備可登三事桓帝以安車玄纁備禮徵之

韋端

二子長元將次仲將孔融與端書云不意兩珠近出老蚌前日元將來淵才亮茂雅度弘毅經

世之器也昨日仲將來文敏篤誠保家之主也

韋仲將

善大字魏祁鄴都官觀始就詔仲將題署奏云若用張芝筆左伯紙及臣墨又得臣乎然

後可以逞徑丈之勢明帝立凌雲觀誤先釘榜以籠盛仲將書扁轆轤引之去地二十五丈既

下鬚髮

皓白

章義

順帝時為陳縣令政甚有績官曹無事牢獄空虛

三國章昭

雲陽人三國吳時累官封高陵亭侯昭自幼好學到老不倦常撰吳書筆覈曰昭在吳亦漢之

史遷也

晉章忠

平陽人少慷慨有志年十二喪父號慟服闋廬墓徵辟不就武帝朝為郡公曹會山羌破郡射太守陳楚忠願代死賊義之舍去後以鎮西大將軍討叛者矢盡不屈而死

章耀

吳人少好學能屬文仕為太子中庶子又為太史令撰吳書

南章粲

字長倩杜陵人少好學仗氣身長八尺容貌甚偉與潁川庾仲容吳郡張率才名相同並忘年

韋叡

交好仕為安遠將軍戰死於侯景簡文流泣
曰社稷所寄惟有韋公如何不幸先死行陣
字懷文杜陵人事繼母以孝聞仕梁遷豫州刺
史叡畫接賓客夜叅軍書每臨陣常執竹如意
以麾號

名將

韋放

字元直叡子長身偉貌性篤實輕財好施仕梁
至北徐州刺史弟正為襄陽太守後光祿卿黯

累官至輕
車將軍

韋佑

京兆人質直寡言父沒事母以孝聞西魏時為
東洛州刺史與東魏戰流矢中

闕

口中出久

之乃蘇後為驃騎
大將軍進爵為公

韋珍

字靈智少有志操歷位尚書南部郎孝文初瑩
苗桓誕歸款朝廷以誕為東荊州刺史令珍為

使與誕招慰珍至桐栢山窮淮源宣揚恩澤莫不懷附凡所招降十萬餘戶置郡縣奉使稱旨賜爵為侯
卒謚曰懿

韋肱

字遵順少有志業年十八辟州主簿時屬歲歉肱以家粟造粥以飼饑人所活甚衆解褐太學

博士稍遷右軍將軍為荊郢和糶大使南郢州刺史以功封杜縣子謚曰宣

韋瑱

字世珍京兆杜陵人也世為三輔著姓瑱幼聰敏有風成之器起家太尉府法曹叅軍累遷諫

議大夫文帝為丞相封長安縣男瑱雅性清儉兼有武畧公私安靜夷夏懷之授侍中驃騎大

將軍開府儀同三司卒謚曰惠

韋孝寬

名叔裕杜陵人沉毅和正涉獵經史西魏時為浙陽太守有政術轉移鎮玉壁齊神武引

衆來攻欲令其降孝寬報云孝寬闕西男子必
不為降將軍也後上策破齊進位大司空上柱
國

韋纂

獻兄知名當時仕齊為司徒記室沈約嘗稱於
上曰恨陛下不與此人同時其學非臣等比也

韋鼎

杜陵人兄載仕梁以平侯景功為散騎常侍明
陰陽善相見隋文帝曰公當大貴貴則天下一

家及隋代周平陳帝
召見鼎拜儀同三司

韋洸

字世穆孝寬從子剛毅有器幹便騎射嘗從孝
寬擊破突厥拜江陵總管以平陳功累拜廣州

總管

韋師

字公穎杜陵人少有至性居憂盡禮及長畧涉
經史工騎射仕後周為賓曹參軍隋初拜吏部

侍郎

韋世康

杜陵人沈敏有器度開皇中拜吏部尚書多所進拔朝廷稱為廉平

韋載

字德基少聰慧篤志好學議論風生及長博涉經史沉毅有器局仕梁為三公郎

韋正

字敬直位襄陵太守初正與東海王僧孺善及僧孺為吏部郎參掌大選賓友故人無不傾意

正獨澹然及僧孺擯廢正復篤素分有踰曩日論者稱焉卒於給事黃門侍郎

韋稜

字威直正之弟性恬柔以書史為業博物強記當世士咸就質疑位終光祿卿著書二卷

韋黯

字務直稜之弟性強正少習經史位太府卿侯景濟江黯屯六門尋改為都督城西南諸軍事

時景於城外起東西二土山城內亦應之簡文親自負土太子以下躬執畚鍤黯守西土山晝

夜苦戰以功授輕

車將軍加持節

韋雋

字穎超早有學少孤事祖母以孝聞性溫和廉讓為州里所稱泰和中襲爵歷都水使者

韋榮亮

字子昱博學有文才德行仁孝為時所重歷諫議大夫衛大將軍卒贈河州刺史

韋綱

字世紀有操行才學領袖本州調為中正開皇中位趙州刺史有子文宗文英並知名

韋道福

父羅為符堅丞相王猛所器賞以女妻焉仕堅為東海太守堅滅奔江左仕宋為秦州刺史

史道福有志畧仕宋位盱眙南浦二郡太守領鎮北府錄事參軍與徐州刺史薛安都謀擁州

內附賜爵高密侯因家彭

城卒贈兗州刺史諡曰簡

韋崇

字洪基父肅字道壽隨劉義真渡江位豫州刺史崇年十歲父卒母鄭氏攜以入魏因寓居河

洛少為舅兗州刺史鄭義所器重位司徒從事
中郎孝文納其女為充華嬪除南潁川太守不
好發撻細事恒云何用小察以傷大道吏民感
之郡中大安帝聞而嘉賞賜帛二百疋遷洛以
崇為司州中正尋除咸陽王禧開府
從事中郎復為河南尹以平直見稱

韋續

字遵彦年十三補中書學生聰敏明慧為博士
李彪所稱尋遷侍御中散孝文每與德學沙門
談論往復續常為綴錄無所遺漏
頗見知賞累遷長兼尚書左丞

韋賈

字敬遠澹於勢利前後十見徵辟不就所居枕
帶林泉娛翫琴書時人號為居士周文帝勅有

司日給河東酒
一升號逍遙公

韋閻

字友觀世為三輔
冠族少有器望

唐
章思謙

名仁約陽武人八歲喪母以孝聞舉進士擢監察御史出使不能動搖山嶽為不稱職累

官肅政大夫振明
網紀朝廷肅然

章承慶

思謙子在武后朝代父為天官侍郎嗣立代兄為鳳閣舍人長安中拜鳳閣侍郎一門父

子三人為相兄弟相繼大拜制曰芝蘭並秀見謝石之階庭騏驎齊驅有劉山之昆季

章嗣立

字延構與承慶異母第進士承慶任鳳閣舍人武后召嗣立謂曰爾父嘗稱二子忠孝比

兄稱職如父言今使卿兄弟自相代即拜鳳閣舍人

章安石

孝寬曾孫初調乾封尉武后擢鳳閣鸞臺平章事數折辱二張陸元方告人曰章公真宰

也相

韋陟

字殷卿安石長子與弟斌俱秀敏異常童十歲授溫王東閣祭酒風格方整善文辭書有楷法

一時知名士皆與游開元中居喪杜門不出者八年調洛陽令宋璟嘆曰盛德遺範盡在是矣陟常以五彩箋為書記使侍妾主之陟唯署名自謂所書陟字如五采朶雲時人慕之號朶公體五雲

韋濟

開元初調鄆城令或言吏部選縣令非其人既衆謝有詔問所以安人者對凡百餘人濟第一

官至馮翊太守

韋或

字遵慶績之弟亦有學識解褐奉朝請稍遷平遠將軍東豫州刺史綏懷蠻左頗得其心蠻首田益宗子魯生魯賢先叛父南入數為寇掠自或至州魯生等咸戢啟修敬不復為害或以蠻

俗不識禮儀乃立太學選諸郡生徒於州總教
又於城北置崇武館以習武業州境清肅罷還
遇大將軍京兆王繼西征請為長史
尋以本官兼尚書以功封陰盤縣男

韋協

字欽仁好學有雅量位秘書郎其父在廣州有
功上命協齋詔書勞問未至而父卒上以其父

死王事拜協柱國歷定
息秦三州刺史有能名

韋藝

字世文周武帝時以軍功位上儀同賜爵修武
縣侯授左旅下大夫出為魏郡太守及高祖為

丞相尉遲迴陰圖不軌朝廷遣藝季父孝寬馳
往代迴孝寬將至鄴詐病止傳舍從迴采藥以
密觀變藝因投孝寬即從孝寬擊迴以功進位
上大將軍改封武威縣公以修武縣侯別授一
子高祖受禪封魏興郡公拜齊州刺
史為政通簡士庶懷惠遷營州總管

韋沖

字世沖以名家子在周釋褐衛公府禮曹參軍從大將軍元定渡江伐陳為陳人所虜周武帝

以幣贖還之帝復令沖以馬千匹使陳贖開府賀拔華等五十人及元定之樞而還沖有辭辯

奉使稱旨累遷小御伯下大夫加上儀同拜汾州刺史

韋總

字善會聰敏好學位驃騎大將軍開府儀同三司納言京兆尹武帝常戲總曰卿師尹帝鄉故

當不以富貴戚福鄉里邪總乃正色對曰陛下擢臣非分竊謂己鑒愚誠今奉嚴旨便似未照

丹赤豈可久忝此職用疑聖慮請解印綬以避賢能帝大笑曰前言戲之耳從武帝東征總每

率麾下先驅陷陣遂於并州戰沒時年二十九贈上大將軍追封河南郡公謚曰貞

韋弘景

思謙曾孫弘景舉進士累官翰林學士時劉士經賂貴幸擢太僕卿弘景封還詔書後為

吏部侍郎銓綜平
序官至禮部尚書

韋應物

河南人性高潔工詩貞元中歷蘇州刺史世號韋蘇州有文集十卷

韋弘機

萬年人貞觀中為左千牛胃曹參軍使西突厥累遷殿中監檀州刺史以邊人不知文儒

貴乃修學宮畫孔子像
敦勸生徒由是大化

韋鍔

字弱金連中進士宏詞科辟河東府叅謀歷吏部員外郎遷中書舍人開成元年擢知貢舉鍔

以籍上帝語侍臣曰比年文章卑弱今所上差勝於前李石曰古人因事為文今人因文害事

懲弊抑末誠如聖訓即以鍔為禮部侍郎閱三歲頗得才賢遷吏部侍郎卒贈禮部尚書

韋湊

字彥宗京兆人祖叔鍔貞觀中與兄季武弟叔謙同時為郎中時號為三列宿

韋叔夏

萬年人通禮學每朝廷儀制皆與參討中宗時為太常少卿進封沛郡公子紹開元中累

遷太子

少師

韋斌

安石次子與兄陟齊名天寶中為集賢學士時從兄由為金吾衛將軍紹為太子少師兄弟同

時列戟子況少隱王屋山元和

初授諫議大夫數月竟辭去

韋丹

京兆人孝寬六世孫早孤從外祖顏真卿學舉五經高第歷咸陽尉累遷諫議大夫出為江南

西道觀察使

甚有治狀

韋宙

丹子憲宗時為永州刺史俗不知法多觸罪宙為書制律並種植為生之宜戶給之築常平倉

罷冗役及督賦吏民貧無牛者為置社月

會錢以市牛立學官取仕家子弟教之

韋厥

上林人武德間持節壓服生蠻開拓化外闢領涇州刺史後隱於智誠洞厥與諸子皆封侯廟

食

韋見素

字令微湊子性仁厚天寶中為黜陟使所至震畏遷吏部侍郎銓叙平允又拜左相肅宗

立拜尚書右僕射子諤累官御史中丞孫顗官至吏部侍郎御

韋夏卿

字雲谷萬年人少邃於學善文辭大厯中與弟正卿舉賢良方正出為奉天令課第一後

為吏部侍郎京兆尹晚歲歸署其居曰大隱洞

韋述

弘機曾孫舉進士考功郎宋之問曰童子何業述曰性嗜書所撰唐春秋三十篇恨未畢他惟

命宋之問曰本求茂才乃得遷固遂上第遷起居舍人任史官二十年蓄書二萬卷古草隸帖

祕畫古器圖譜無所不備弟迪迪學業亦亞於
述述與迪並為學士與迪並禮官搢紳高之張
說謂人曰韋家兄弟人之杞梓

韋臯

字城武萬年人德宗時累官檢司徒兼中書令
破吐蕃進封南康郡王始李白為蜀道難篇以
斥嚴武陸揚更為蜀道易以美臯焉臯沒蜀人
德之見其像必拜凡刻石著臯名皆饒其文尊
之諱

韋武

萬年人以蔭補右千牛德宗幸梁州武率妻子
奔行在後為絳州刺史憲宗時為京兆尹卒贈
吏部尚書

韋處厚

字德載京兆人家藏書萬卷舉賢良方正與
路隋為侍講穆宗召入太液亭講闕雖洪範

文宗朝拜相處厚狀貌甚儒至廷爭疑然不可奪百寮畏憚

韋綬

貫之兄為翰林學士帝嘗幸其院妃從之時大寒綬方寢以妃蜀襪袍覆而去其遇如此

韋雲起

雍州萬年人伯父澄武德初國子祭酒綿州刺史雲起隋開皇中明經舉授符璽直長義

旗入闕於長樂宮謁見義寧元年授司農卿封陽城縣公武德元年加授上開府儀同三司判

農園監事後為竇軌所殺初雲起年少時師事太學博士王頗頗與言時事甚加歎之及謂之

曰韋生識悟如是必能自取富貴然剛腸嫉惡終當以此害身竟如頗言

韋待價

挺子初為左千牛備身永徽中江夏王道宗得罪待價即道宗之壻也緣坐左遷廬龍府

果毅時將軍辛文陵率兵招慰高麗行至吐護真水高麗掩其不備襲擊敗之待價與中郎將

薛仁貴受詔經畧東蕃因率所部救之文陵苦戰賊漸退軍始獲全待價被重瘡流矢中其左足竟不言其功以足疾免官而歸後累授蘭州刺史

韋虛舟

虛心之弟舉孝廉自御史累至戶部司勳左司郎中歷荊州長史洪魏州刺史兼採訪使

多著能政入為戶部侍郎終大理卿家有禮則父子兄弟更踐郎署時稱郎官家

韋顗

字周仁生一歲而孤事姊稱為恭孝性嗜學尤精陰陽象緯經畧風俗之書善持論有清譽少

以門蔭補千牛備身自鄆縣尉判入等授萬年尉歷御史補闕尚書郎累遷給事中尚書左丞

戶部侍郎中丞吏部侍郎

韋元甫

少修謹敏於學行初任滑州白馬尉以吏術知名本道採訪使韋涉深器之奏充支使與

同幕判官真錫齊名元甫精於簡牘錫詳於訊
覆涉推誠待之時謂員推章狀元甫有器局所
蒞有聲累遷蘇州刺史浙江西道都團練觀察
等使大歷初宰臣杜鴻漸首薦之徵為尚書右
丞會淮南節度使缺鴻漸又薦堪當重寄遂授
揚州長史兼御史淮南節度觀察等使仕揚州
三年政尚不擾事亦粗理大
歷六年八月以疾卒於位

韋貴之

訓
名純京兆人及進士第官至宰相嚴身律下
以正議裁物女歸薛蒙工屬文績曹大家女

韋昭度

京兆人累官中書舍人僖宗西狩以
學士承旨扈從還京授司空遷侍中

韋維

字文紀進士對策高第徙內江令教民耕桑縣
為刻頌遷戶郎中與宋之間稱戶部二妙

韋渠年

京兆人德宗誕日詔佛老並對質問人趣渠年有口辯答問鋒生帝聽之意動是歲中至

諫議大夫抵延英大臣率漏下二
三刻渠年每奏輒五六刻乃罷

韋正貫

字公里萬年人舉姪舉賢良方正除太子校書郎歷同州刺史撤神祠會海水溢人爭咎

之正貫曰不當神意長
人任其咎俄而水去

韋虛心

字元逸維之子也弟虛舟為刑部侍郎初維為郎蔣柳于庭及虛心兄弟居郎省對之輒

容欽

韋澳

字子斐十年不肯調高元裕欲薦之
諷澳謁已澳曰然恐無呈身御史

韋恒

嗣立子開元初為碭山令政寬惠吏民愛之天
子東巡州縣供張皆朴鞭趣辦恒不立威而事

給御史中丞宇文融薦恒有經
濟才讓以其位擢殿中侍御史

韋堅

京兆人運江淮租賦所在置吏督察以佐
國康玄宗咨其才鑿潭以漕名曰廣運

韋縉

叔夏之子開元時遷太常唐興禮文雖
具然制度繆缺不倫縉議加籩豆之禮

韋表微

字子明授監察御史秉行不樂曰爵祿譬滋
味也人皆欲之吾年五十冒游少年間取一

班一級不見其味
將為松菊主人

韋挺

京兆人貞觀初王珪數薦之拜御史大夫上討
遼東曰卿為朕圖之帝親解貂裘及中殿馬賜

之即詔河北列
州皆取挺節制

韋羣玉

賢而有才韓愈與陸祠部書云求子
弟之賢而能業其家者羣玉是也

章溫

字弘育，授子年十一舉兩京及第，授著作郎，謝歸侍親疾，彌二十年，衣不弛帶。文宗朝，遷尚書

右丞，性剛峻，少合，惟與蕭祐善，不以塵事自蒙號山林友云。

章承矩

僖宗朝，策試夜書一詩於都堂壁，云：褒衣博帶，滿塵埃，獨上都堂納卷，回蓬巷幾時聞吉

語，棘籬他日免重來。三條炬盡鐘初動，九轉丹成鼎未開。殘日漸低人擾擾，不知誰是謫仙才。

章恕

女及笄，未嫁。六合縣園叟張求婚，恕難曰：「今日納百緡，則可許諾。」頃之，錢至，既娶，負釵穢地，自

若妻濯至王屋山下，見恕曰：「可令大兄來訪。」恕令男義方訪之，至一甲，一青衣引一衣冠

人，即張老相，見曰：「賢妹，梳頭引入見之。」經數日，別奉金三十鎰，一舊席帽，曰：「欲錢於楊州王老家取，錢一千萬，持此為信，取之果得，再往失路矣。」

韋詵

為潤州刺史族望清華特選叅軍裴寬為壻時寬衣碧衣而長族人呼為鵲雀詵曰愛女必以

為賢公侯妻何可
以貌求人卒妻之

韋執誼

杜黃裳之壻也翁壻同
時為相近古衣冠無比

韋景駿

弘機孫中宗神龍中歷肥鄉令縣北瀕漳連
年泛溢人苦之景駿相地勢因高築障水至

湜趾輒去其北燥為腴田又維艚以梁
其上而廢長橋功少費約後遂為法

韋倫

京兆人玄宗時以蔭補藍田尉幹力勤濟揚國
忠署為鑄錢內作使判官國忠多發州縣齊人

令鼓鑄督非所習雖蠶扶苛嚴愈無功倫請準
直募匠代無聊之人繇是役用減而錢多矣

韋諤

楊國忠之死軍聚不解陳玄禮請殺貴妃以安
衆玄宗意猶豫諤曰臣聞以計勝色者昌以

色勝計者亡今宗廟震驚陛下弃神器奔草莽
惟割恩以安社稷因叩頭流血帝寤賜妃死軍

乃大悅

韋子澳

任京兆尹宣宗舅鄭光主豎吏豪肆積年不
輸官賦子澳逮繫之他日廷英帝問其故子
澳具道姦狀且言必寘以法帝曰可貸否答曰
自內署擢臣尹京邑安可使畫一法獨行於貧
下乎帝入白太后曰是不可犯
后爲輸租乃免由是豪右斂跡

韋仁壽

大業末爲蜀郡法曹入唐爲南寧州
都督治越置七州十五縣首豪悅服

韋萬石

善音律郊廟燕會樂曲皆萬
石與太史姚元辦所增損

韋迢

爲韶州牧杜甫有送韋
員外收韶州者是也

韋莊

字端己見素孫昭宗乾寧進士授校書郎王建開偽蜀莊在華州駕前奉使入蜀李詢辟為判

官掌書記遷起居

舍人後為蜀相

韋抗

萬年人弱冠舉明經累官御史中丞開元中拜黃門侍郎後為御史中丞

宋 韋經

宜州人大觀中舉進士官至承議郎通判雷州權知州事有政聲

韋旻

上林人閉門讀書無所不通鄉人以書樓目之元祐間應舉不第遂隱於羅洪洞據山林泉石

之勝尤善導養之術號白雲先生

韋許

字深道蕪湖人從李之儀學不事科舉築室榜曰獨樂陳了翁為作堂記元祐間諸公遭貶逐

雖素所親密亦畏禍不敢相聞許遇有過江上者必款接且周其急朱文公每稱之自號湖陰

士居

韋君載

字元厚，春州人。淳熙進士，以奉議郎攝廣東路提舉行業文章，為廣人所重。

韋永壽

高宗紹興三十二年，以統制官與金人戰，和州子世堅救之同死。

明
韋正

洪武三年，為河州衛指揮使，嘗言民間轉輸甚勞，而布茶可以易粟，以茶布給軍士，令自相貿易。庶省西民之勞，詔從之。正初，至衛城，邑空虛，乃日夜撫循其民。河州遂為樂土。朝廷嘗賜璽

書勞之

韋衡

洪武初，安仁知縣。處事公正，好尚詩書，愛民如子。縣治公廨，皆其創立。

韋權

合肥人。少好騎射，喜兵法。元季，從軍淮西，為列校。後來歸從克太平，累功陞都督僉事。

韋斌

字彥質太河衛人舉進士授給事中典會試文衡推廣東提學副使改福建藻鑑精明嘗曰糊

名易書以我試人填名揭案
以人試我庸高下其手邪

韋厚

字元載長興人成化進士任同知一介不取卒之日知府吳顯具棺歛之

韋商臣

字希尹厚子嘉靖癸未進士授大理右評事同諸臣伏闕議禮抗言劉切忤旨謫

靖江丞陞河南按察僉事條章振飭風裁凜然永寧巨寇嘯聚公率兵討之捷聞壘書嘉勞尋為飛語中傷竟以四川叅議罷臺諫薛宗愷沈謚戴銑戚賢各上疏訟其冤公夷然不以為意寧為玉碎不為瓦全云

歸

京兆徵音春秋晉有歸生婦人也子孫因之以為姓人左傳云胡子國歸姓為楚所滅後以為氏

唐 歸崇敬

字正禮蘇州吳人治禮家學天寶中中博通墳典科對策第一授左拾遺代宗召問得失

崇敬極陳生民疲敝當以儉化天下累官翰林學士

歸登

字冲之崇敬子事繼母篤孝舉孝廉又策賢才貞元初為右補闕起居舍人憲宗問政何先

登勸順納諫諍累官工部尚書封長沙縣男

歸融

字章子登子元和中進士為翰林學士御史中丞觀察使盧周仁取羨餘錢億萬以進融劾奏

周仁徇私希恩請重責還所進貸貧租累官兵部尚書封晉陵公

歸鵠

字文彥融子擢進士備歷三署同光初為尚書丞選侍郎以太子賓客致仕

歸仁晦

吳人大厯進士仁翰仁紹仁鐸仁憲鵠保俱同榜同科

歸珽

寶厯間為餘杭令因漢陳渾故迹置上下湖溉田千頃又築甬道通西北大路高廣徑直百餘

里行旅無山水之患

五代歸守明

閩主璘臣

宋

歸肇

河內人知無為軍事

元

歸暘

汴梁人學無師傳而精敏過人至順初進士知潁州時杞縣人范孟謀不軌召官屬署而用之

使暘北守黃河口暘力拒不從賊怒繫於獄暘無懼色賊敗獨獲免

明

歸思

祥符人洪武中以人材任知府

歸仁

嘉興人永樂間刑部主事

歸有光

字熙甫崑山人嘉靖進士歷南京太僕寺丞博學多文有震川集行於世

歸大道

長洲人嘉靖進士

衣

出姓苑

明衣免仁

棲霞人萬厯間陝西涼州衛經歷

衣祐

鰲山人華亭丞

飛

商有飛廉額頊之裔

宋飛英

浚儀人朝奉郎

明飛瀑

城固人永樂間戶部郎中

肥 其先封於肥鄉因以為氏

周 肥義

事趙武靈王王愛少子何傳位為王自稱主父封長子章為安陽君李兌謂肥義曰昔者主父

以王屬義也曰毋變而度毋異而慮堅守一心以沒而世義再拜受命而籍之今畏不禮之難

而忘吾籍變孰大焉主父游沙丘章與不禮作亂詐以主父令召王肥義先入殺之

漢 肥韶

肥誠

肥親

仁恕椽袁安使廉魯恭共以實聞恭遂馳名

希

周希海字子江

秦人

宋

希昔

儀隴人嘉慶進士

希德

儀隴人嘉慶進士

希績

字紀常儀真人神宗元豐間為淮南發運副使行已有堅操坐元祐黨

幾

宋大夫仲幾之後以王父字為氏

周

幾瑟

韓大夫

非

見姓苑

周

非子

見風俗通

賁 音微 嬴姓 秦非子之後

周 賁 浦 魯人

漢 賁 赫 功臣封期思侯

賁 麗 成帝時 樊噲守心 丞相翟方進憂不知 有
郎賁麗善占星言大臣宜當之上召見方進令
審處方進即日自殺

明 賁 勝 膠州人 宣德間建寧千戶

微 子 姓宋 微仲之後

周 微 彪 晉大夫

畿

俟畿氏改為畿氏夷狄大姓

旂

見氏族志

淝

邑名盧江

稀

見姓苑

威

齊威王之後以為田氏始王故其後以為氏望出南

暉

見直音

徽

見姓苑

俚

牛坤切見纂要

萬姓統譜卷六